

禪宗正脈卷第十五

賞五

青原

雲門宗

座今日上山去那僧曰是師曰寄一則

因緣問堂頭和尚祇是不得道是別人

云門文偃禪師嘉興人也初參睦州州纔見來

便閉却門州乃扣門州曰誰師白某甲

州曰作甚麼師曰已事未明乞師指示

賞五

州開門一見便閉却師如是連三日扣門至第三日州開門師乃拶入州便擒住曰道道師擬議州便推出曰秦時輒轢鑽遂掩門損師一足師從此悟入州指見雪峰杭州雪峰到雪峰莊見一僧廻閭上

見這僧與麼道便下座攔胸把住曰速道速道僧無對峰拓開曰不是汝語僧曰是某甲語峰曰侍者將繩棒來僧曰不是某語是莊上一浙中上座教某甲來道峰曰大眾去莊上迎取五百人善

知識來師次日上雪峰峰纔見便曰因甚麼得到與麼地師乃低頭從茲契合溫研積稔密以宗印授焉師出嶺偏謁諸方覈窮殊軌鋒辯險絕世所盛聞後抵靈樹冥符知聖禪師接首座之說初

拔靈

知聖住靈樹二十年不請首座常云我首座生也我首座牧牛也我首座行腳也一日令擊鐘三門外接首座衆出迓師果至直請入首座察解包○後廣主命師出世靈樹開堂日主親臨曰弟子

請益師曰目前無異路法眼別云不
可無益於人師乃曰莫道今日謾諸人好抑不得已向諸人前作一場狼籍勿遇明眼人見成一場笑具如今避不得也且問你諸人從上来有甚事少甚麼向你道無事

當

已是相埋沒也雖然如是也須到這田地始得亦莫趁口快亂問自己心裏黑漫漫地明朝後日大有事在你若根思遲回且向古人建化門庭東覩西覩看是個甚麼道理你欲得會麼都緣是你

發主
前住

自家無量劫來妄想濃厚一期聞人說
著便生疑心問佛問法問向上向下求
覓解會轉沒交涉擬心即差況復有言
有句莫是不擬心是麼莫錯會好更有
甚麼事珍重○上堂我事不獲已向你

聖人見性十地

教外別傳若從學解機智得祗如十地
聖人說法如雲如雨猶被呵責見性如
渴羅敷以此故知一切有心天地懸殊
雖然如此若是得底人道火不能燒口
終日說事未嘗挂著唇齒未嘗道著一

賞五

三

字終日著衣喫飯未嘗觸著一粒米挂
一縷絲雖然如此猶是門庭之說也須
是實得恁麼始得若約衲僧門下句裏
呈機徒勞佇思直饒一句下承當得猶
是瞞瞞漢時有僧問如何是一句師曰

尋言述句

舉○僧來參師乃拈起袈裟曰汝若道得落我袈裟圈橫裏汝若道不得又在鬼窟裏坐作麼生自代云某甲無氣力○上堂諸兄弟盡是諸方參尋知識決擇生死到處豈無尊宿垂慈方便之詞

還有透不得底句麼出來舉看待老漢與你大家商量有麼有麼時有僧出擬伸問次師曰去去西天路迢迢十萬餘便下座○舉世尊初生下一手指天一手指地周行七步目顧四方云天上天

真乘

舉一
則語

警鑑

下唯我獨尊師曰我當時若見一棒打死與狗子喫却貴圖天下太平○師在文德殿赴齋有鞠常侍問靈樹果子熟也未師曰甚麼年中得信道生○僧問如何是太修行人師曰一榦在手○領上

堂因聞鐘聲乃曰世界與麼廣闊爲甚麼鐘聲披七條聯珠又云僧無語師曰七里灘頭多蛤子○上堂舉一則語教汝直下承當早是撒屎著汝頭上也直饒拈一毫頭盡大地一時明得也是剜肉作瘡雖然如此汝

信根
卷等

亦須是實到這個田地始得若未切不得掠虛却須退步向自己根脚下推尋看是個甚麼道理實無絲毫許與汝作解會與汝作疑惑况汝等各各當人有一段事大用現前更不煩汝一毫頭氣

卷五

四

力便與祖佛無別自是汝諸人信根淺薄惡業濃厚突然起得許多頭角擔鉢囊千鄉萬里受屈作麼且汝諸人有甚麼不足處大丈夫漢阿誰無分獨自承當得猶不著便不可受人欺謾取人處

顯然
卷五

分纔見老和尚開口便好把特石蓆口塞便是屎上青蠅相似鬪唼將去三個五個聚頭商量苦屈兄弟古德一期爲汝諸人柰何所以方便垂一言半句通汝入路知是般事拈放一邊自著狀

子筋骨豈不是有少許相親處快與快與時不待人出息不保入息更有甚麼身心別處閑用切須在意珍重又上堂
丈長不
備○僧問靈樹如何是祖師西來意樹默然遷化後門人立行狀碑欲入此語

問師曰先師默然處如何上碑師對曰
師○普請般紫次師遂拈一片拋下曰
一大戲教祗說這個○上堂人人自
有光明在看時不見暗昏昏作麼生是
諸人自己光明自伐曰廚堂三門又曰

賞五

五

好事不如無○示衆藥病相治盡大
地是藥那個是你自己○云云○僧問
如何是超佛越祖之談師曰餽餅○上
堂故知時運澆漓代千像季近日師僧
北去言禮文殊南去謂遊衡嶽恁麼行

曉蓮

脚名字比丘徒消信施苦哉苦哉問著
黑漆相似祇管取性過時設有三個兩
個狂學多聞記持詰路到處覓相似語
句印可老宿輕忽上流作薄福業它日
閻羅王釘釘之時莫道無人向你說若

似舊譜

是初心後學直須擺動精神莫空記人
說處多虛不如少實向後祇是自賺有
甚麻事近前○上堂聞聲悟道見色明
心遂舉起手曰觀世音菩薩將錢買餽餅
放下手曰元來祇是饅頭○上堂乾

商辭

坤之內宇宙之間中有一寶秘在形山
拈燈籠向佛殿裏將三門來燈籠上作
麼生自代曰逐物意移又曰雲起雷興
翻頭示衆曰十五日已前不問汝十五
日已後道將一句來衆無對自代曰日

日是好日○上堂拈柱杖曰凡夫實謂
之有一乘折謂之無圓覺謂之幻有菩
薩當體即空衲僧家見柱杖便喚作柱
杖行但行坐但坐不得動著○僧問如
何是雲門一曲師曰臘月二十五日唱

靈慧

者如何師曰且緩緩○問牛頭未見四
祖時如何師曰家家觀世音曰見後如
何師曰火裏蟬吞大蟲○問如何是
雪嶺泥牛吼師曰山河走曰如何是雲
門木馬嘶師曰天地黑下句天眼目至根

堂五

六

○問十二時中如何即得不空過師曰
向甚麼處著此一問曰學人不會請師
舉師曰將筆硯來僧乃取筆硯來師作
一頌曰舉不顧即差互擬思量何劫悟
○僧問如何是學人自己師曰遊山覩

水曰如何是和尚自己師曰賴遇維那不在問僧問樹凋葉落時如何師曰體露金風問如何是佛師曰乾屎橛問如何是諸佛出身處師曰東山水上行問古人面壁意旨如何師曰念

七問如何是祖師西來意師曰日裏看山問如何是和尚家風師曰有讀書人來報問如何是透法身句師曰北斗裏藏身問承古有言牛頭橫說堅說猶未知有向上關捩子如何是向

上關捩子師曰東山西嶺青○上堂函蓋乾坤目機銖兩不涉世緣作麼生承當衆無對自代曰一鎌破三關問如何是雲門劔師曰祖問如何是正法眼師曰普問如何是啐啄之機師

曰響問如何是吹毛劔師曰骼又曰燭問如何是雲門一路師曰親問殺父殺母向佛前懺悔殺佛殺祖向甚麼處懺悔師曰露問如何何是一代時教師曰對一說問領問不是目前

卷三

貞五

七

清
事

機亦非目前事時如何師曰倒一說頭問如何是法身向上事師曰向上與汝道即不難作麼生會法身曰請和尚鑒師曰鑒即且置作麼生會法身曰與麼與麼師曰這個是長連牀上學得底我

且問你法身還解喫飯麼僧無對頭問僧近離甚處曰西禪師曰西禪近日有何言句僧展兩手師打一掌僧曰某甲話在師却展兩手僧無語師又打頭僧問秋初夏末前程若有人問作麼生

抵對師曰大眾退後曰未審過在甚麼處師曰還我九十日飯錢來頭講僧終

經時乃曰未到雲門時恰似初生月及半到後曲彎彎地師得知乃召問是你道否曰是師曰甚好吾問汝作麼生是

初生月僧乃斫額作望月勢師曰你如此已後失却目在僧經旬日復來師又問你還會也未曰未會師曰你問我僧便問如何是初生月師曰曲彎彎地僧罔措果然失目○示衆真空不壞有

真空不異色僧便問作麼生是真空師曰還聞鐘聲麼曰此是鐘聲師曰驥年夢見麼上堂平地上死人無數過得荆棘林者是好手時有僧出曰與麼則堂中第一座有長處也師曰蘇嚕蘇嚕

貴五

僧問佛法如水月是否師曰清波無透路曰和尚從何得師曰再問復何來曰正與麼時如何師曰重疊關山路上堂拈拄杖曰拄杖子化爲龍吞却乾坤了也山河大地甚處得來師有偈曰

不露風骨句未語先分付進步口喃喃知君大罔措○示衆一人因說得悟一人因喚得悟一人聞舉便回去你道便回去意作麼生復曰也好與三十棒上堂光不透脫有兩般病一切處不明

面前有物是一又透得一切法空隱隱地似有個物相似亦是光不透漏又法身亦有兩般病得到法身爲法孰不忘已見猶存坐在法身邊是一直饒透得法身去放過即不可子細檢點將來有

卷六

甚麼氣息亦是病○問僧光明寂照徧
河沙豈不是張拙秀才語曰是師曰話
墮也○僧問一切智通無障礙時如何
師曰掃地潑水相公來○評問如何是
法身師曰六不收○評問如何是清淨

賞五

九

法身師曰花藥欄曰便恁麼去時如何
師曰金毛師子○問問不起一念還有
過也無師曰須彌山○問問如何是塵
塵三昧起師曰鉢裏飯桶裏水○問如
何是佛法大意師曰面南看北斗○師

山到晝

到天童童曰你還定當得麼師曰和尚
道甚麼童曰不會則目前包裹師曰會
則目前包裹○師到曹山見示衆云諸
方盡把格則何不與它道却令它不疑
去師問密密處爲甚麼不知有山曰祇

爲密密所以不知有師曰此人如何親
近山曰莫向密密處親近師曰不向密
密處親近時如何山曰始解親近師應
喏喏○師到鵝湖聞上堂曰莫道未了
底人長時浮逼逼地設使了得底明明

湖鵝

得知有去處尚乃浮逼逼地師下問首
座適來和尚意作麼生曰浮逼逼地師
曰首座久在此住頭白齒黃作這個語
話曰上座又作麼生師曰要道即得見
即使見若不見莫亂道曰祇如道浮逼

逼地又作麼生師曰項上著枷脚下著
杻曰與麼則無佛法也師曰此是文殊
大人境界○僧舉灌谿上堂曰十方無
壁落四面亦無門淨裸裸赤灑灑沒可
把師曰舉即易出也大難曰上座不肯

釋迦尊 羅闍

和尚與麼道那師曰你適來與麼舉那
曰是師曰你驢年夢見灌谿曰某甲話
在師曰我問你十方無壁落四面亦無
門你道大梵天王與帝釋天商量甚麼
事曰豈干它事師喝曰逐隊喫飯漢○

嘗五

+

師到江州有陳尚書者請齋纔見便問
儒書中即不問三乘十二分教自有座
主作麼生是衲僧行脚事師曰曾問幾
人來書曰即今問上座師曰即今且置
作麼生是教意書曰黃卷赤軸師曰這

示灌谿傳舉

個是文字語言作麼生是教意書曰口欲談而辭喪心欲緣而慮忘師曰口欲對妄想作麼生是教意書無語師曰見說尚書看法華經是否書曰是師曰經

中道一切治生產業皆與實相不相違
背且道非非想天有幾人退位書無語
師曰尚書且莫草草三經五論師僧拋却特入叢林十年二十年尚柰何尚書又爭得會書禮拜曰某甲罪過領師

讚

每見僧必顧視曰鑒僧擬議乃曰啖後德山圓明大師刪去顧字謂之抽顧贊林目雲門顧鑒喫西示衆云古佛與露柱相交是第幾機自代云南山起雲北山下雨增收

閱

白雲子祥實性大師僧問祖意教意是同

是別師曰不別曰恁麼則同也師曰不妨領話○上堂諸人會麼但向街頭市尾屠兒魁創地獄鑊湯處會取若恁麼會得堪與人天爲師若向衲僧門下天

十一

纂

地懸殊更有一般底祗向長連牀上作
好人去汝道此兩般人那個有長處無
事珍重○問僧不壞假名而談實相作
麼生僧指椅子曰這個是椅子師以手
撥椅曰與我將鞋袋來僧無對師曰這

虛頭漢

雲門聞乃云須
是我禪兄始得

德山緣密圓明禪師上堂我有三句語示
汝諸人一句函蓋乾坤一句截斷衆流
一句隨波逐浪作麼生辯若辯得出有
參學分若辯不出長安路上轆轤地○

上堂但叅活句莫叅死句活句下薦得
永劫無滯一塵一佛國一葉一釋迦是
死句揚眉瞬目舉指豎拂是死句山河
大地更無諸訛是死句時有僧問如何
是活句師曰波斯仰面看曰恁麼則不
箇

謬去也師便打上堂大眾及盡去也
直得三世諸佛口挂壁上猶有一人呵
呵大笑若識此人叅學事畢

增收

巴陵新開顥鑒禪師初到雲門門曰雪峰
和尚道開却門達磨來也我問你作麼

生師曰築著和尚鼻孔門曰地神惡發

把須彌山一擗跨跳上梵天拶破帝釋
鼻孔你爲甚麼向日本國裏藏身師曰

和尚莫瞞人好門曰築著老僧鼻孔又

作麼生師無語門曰將知你祇是學語

堂

十二

三
話
三
後

之流師住後更不作法嗣書祇將三轉
語上雲門○僧問如何是道師曰明眼
人落井○問如何是吹毛劔師曰珊瑚
枝撐著月○問如何是提婆宗
師曰銀盆裏盛雪門曰它後老僧忌日

祇消舉此三轉語足以報恩自後忌辰
果如所屬○問祖意教意是同是別師
曰雞寒上樹鴨寒下水

雙泉師寬明教禪師上堂舉拂子曰這個

接中下之人時有僧問上上人來時如

何師曰打破爲三軍○問洞山初和尚
如何是佛山曰麻三斤師聞之乃曰向
南有竹向北有术○問如何是定師曰
鯛跳出斗曰如何出得去師曰南山
起雲北山下雨○問北斗裏藏身意旨

四

如何師曰雞寒上樹鴨寒下水○師遊山回首座同衆出接座曰和尚遊山纖嶮不易師提起拄杖曰全得這個力座乃奪却師放身便倒大衆皆進前扶起

當五

十三

全得這個力

五

香林澄遠禪師在衆日普請鉢草次有一僧曰看俗家失火師曰那裏火曰不見那師曰不見曰這瞎漢是時一衆皆言遠上座敗闕後明教寬聞舉嘆曰須是

六

我遠兄始得住後僧問羨味醍醐爲甚麼變成毒藥師曰導江紙貴○問如何是祖師西來意師曰踏步者誰○問如何是室內一椀燈師曰三人證龜成鼈○問如何是衲衣下事師曰臘月火燒山○問但有言句盡是賓如何是主師曰長安城裏曰如何領會師曰千家萬戶○問如何是西來的的意師曰坐久成勞曰便回轉時如何師曰墮落深坑○問萬頃荒田是誰爲主師曰看看

脚銚
擔鉢

臘月盡

贈次

○上堂是汝諸人盡是擔

鉢囊向外行脚還識得性也未若識得試出來道看若識不得祇是被人熱謾將去且問汝諸人是汝叅學日久用心掃地煎茶遊山覲水汝且釤釤喚甚麼

作自性諸人且道始終不變不異無高無下無好無醜不生不滅究竟歸於何處諸人還知得下落所在也未若於這裏知得所在是諸佛解脫法門悟道見性始終不疑不慮一任橫行一切人不

喻買

柰汝何出言吐氣實有來處如人買田須是收得元本契書若不得它元本契書終是不穩遮莫經官判狀亦是不得其奈不收得元本契書終是被人奪却汝等諸人叅禪學道亦復如是還有人

賞五

十四

收得元本契書麼試拈出看汝且喚甚麼作元本契書諸人試道看若是靈利底纔聞與麼說著便知去處若不知去處向外邊學得千般巧妙記持解會口似傾河終不究竟與汝自己天地差殊

且去衣鉢下體當尋覓看若有個見處
上來這裏道看老僧與汝證明若覓不
得且依行隊去

洞山守初禪師初參雲門門問近離甚
處師曰查渡門曰夏在甚處師曰湖南

報慈門曰幾時離彼師曰八月二十五
門曰放汝三頓棒師至明日却上問訊
昨日蒙和尚放三頓棒不知過在甚麼
處門曰飯袋子江西湖南便恁麼去師
於言下大悟遂曰它後向無人烟處不

蓄一粒米不種一莖菜接待十方往來
盡與伊抽釘拔楔拈却炙腊帽子脫却
鶻臭布衫教伊洒洒地作個無事衲僧
豈不快哉門曰你身如椰子大開得如
許大口師便禮拜上堂言無展事語

賞五

十五

不投機承言者喪滯句者迷還得麼你
衲僧分上到這裏須具擇法眼始得祇
如洞山恁麼道也有一場過且道過在
甚麼處問如何是正法眼師曰紙
燃無油問如何是佛師曰麻三斤

出頌

出頌

○問如何是無縫塔師曰十字街頭石
師子

泐潭謙禪師問如何是泐潭家風師曰

閻黎到來幾日也○問但有纖毫即是
塵不有時作麼生師以手掩兩目○問

悟本無門如何得入師曰阿誰教汝恁
麼問

奉先深禪師問師同明和尚到淮河見人

牽網有魚從網透出師曰明兄俊哉一
似個衲僧相似明曰雖然如此爭如當

初不撞入網羅好師曰明兄你欠悟在
明至中夜方省明即金陵清涼智明禪師

披雲寂禪師問以字不成八字不是未
審是甚麼字師曰聽老僧一偈以字不

是八不成森羅萬象此中明直曉巧說

千般妙不是謳和不是經○問如何是

一座師曰滿目是青山前一則在聯珠頌古第一卷中

舜峰韶禪師問正法無言時如何師曰
言曰學人不會乞師端的師曰兩重公
案曰豈無方便師曰無禮難容○問祖

意教意是同是別師曰日出東方夜落

西

國學門祖般若柔禪師問僧問西天以蠅人爲驗此土如何師曰新羅人草鞋○上堂衆聞板聲集師因示偈曰妙哉三下板知識

賞五

十六

盡來參既善分時節吾今不再三便下

座

國學門祖薦福承古禪師操行高潔稟性虛明參大光敬玄禪師乃曰祇是個草裏漢遂參福嚴雅和尚又曰祇是個脫酒衲僧由

是終日默然深究先德洪規一日覽雲

洪規

門語忽然發悟自此韜歲不求名聞棲止雲居弘覺禪師塔所四方學者奔湊因稱古塔主也景祐四年范公仲淹出守鄱陽聞師道德請居薦福開闡宗風

薦福

○僧問大善知識將何爲人師曰莫曰恁麼則有問有答去也師曰莫

聯珠稍興

○

問一喝分賓主照用一時行此意如何師曰乾柴濕茭僧便喝師曰紅燄炎天○上堂夫出家者爲無爲法無爲法中

無利益無功德近來出家人貪著福慧
與道全乖若爲福慧須至明心若要達
道無汝用心處所以常勸諸人莫學佛
法但自休心利根者畫時解脫鈍根者
或三五年遠不過十年若不悟去老僧

貴五

與你入拔舌地獄參

十七

雙峰雙峰欽禪師僧問如何是雙峰境師曰夜
聽水流庵後竹晝看雲起面前山○問
如何是和尚爲人一句師曰因風吹火
○上堂進一步則迷理退一步則失事

禪堂

饒你一向兀然去又同無情僧問如何
得不同無情去師曰動靜施爲曰如何
得不迷理失事去師曰進一步退一步
僧作禮師曰向來有人恁麼會老僧不
肯伊曰請師直指師便打出○問如何

是正法眼師曰山河大地○問如何是
法王劍師曰鋁刀徒逞不若龍泉曰用
者如何師曰歲鋒猶不許露刃更何堪
問賓頭盧應供四天下還得徧也無
師曰如月入水問如何是用而不雜師

曰明月堂前垂玉露水晶殿裏燦真珠
釋資福詮禪師僧問覲面相逢處如何顧鑒

喫乞師垂半偈免使後人疑師曰鋒前

一句超調御擬問如何歷劫違曰恁麼
則東山西嶺時人知有未審資福庭前

麼若會頭上更增頭若不會斷頭取活
僧問如何是佛師曰勤耕田曰學人不
會師曰早收禾

釋大容詮禪師僧問既是大容爲甚麼趁出
僧師曰大海不容塵小溪多掩壠○問

釋第五

六

誰家風月師曰且領前話

釋黃雲元禪師上堂古人道觸目未曾無臨
機何不道山僧即不然觸目未曾無臨

如何是古佛一路師指地僧曰不問這
個師曰去○師與一老宿相期他徃偶
因事不去宿曰佛無二言師曰法無一
向

釋龍境倫禪師開堂陞座提起拂子曰還會

釋華嚴慧禪師僧問承古有言妄心無處即

菩提正當妄時還有菩提也無師曰來音已照曰不會師曰妄心無處即菩提

歸宗

黃檗法濟禪師僧問如何是和尚家風師

歸宗

曰與天下人作榜樣

歸宗

谷山豐禪師僧問師唱誰家曲宗風嗣阿

歸宗

誰師曰雪嶺梅花綻雲洞老僧驚

歸宗

洞山清稟禪師參雲門門曰今日離甚處

歸宗

曰慧林門舉拄杖曰慧林大師恁麼去

歸宗

汝見麼曰深領此問門顧左右微笑而已師自此入室印悟○金陵主請居光

睦未幾命入澄心堂集諸方語要經十
緇迎住洞山

歸宗

北禪寂禪師上堂拈拄杖曰過去未來現

在三世諸佛微塵菩薩一時在拄杖頭

上轉大法輪盡向諸人鼻孔裏過還見

貴五

十九

麼若見與我拈將來若不見大似立地

死漢良久曰風恬浪靜不如歸堂

歸宗

淨源真禪師上堂古人道山河大地普真

如大眾若得真如即隱却山河大地若

不得即違古人至言衆中道得者出來

道看若道不得不如各自歸堂珍重

釋名門徒大梵圓禪師因見聖僧乃問僧此個聖僧

年多少僧曰恰共和尚同年師喝曰這

竭斗不易道得

釋名門徒藥山圓光禪師問新到南來北來曰北來

師曰不落言詮速道速道曰某甲是福

建道人善會鄉談師曰叅衆去僧曰灼

然師曰更跨跳便打

釋名門徒奉國海禪師僧問青青翠竹盡是真如如

何是真如師曰點鐵成金客聞名不見

形曰恁麼則禮謝去也師曰昔時妄想至今猶存

釋名門徒雲門球禪師僧問如何是隨色摩尼珠師

曰色即不無作麼生是珠曰學人不會

特伸請益師曰雲有出山勢水無枝澗

聲

釋名門徒佛陀遠禪師僧問如何是佛師曰銅頭鐵

額曰意旨如何師曰簸土揚塵

釋名門徒慈雲深禪師僧問寶鏡當軒時如何師曰

天地皆失色○問如何是教外別傳一

白師曰扣牙恐驚齒

阿訥化城鑒禪師上堂十方薄伽梵一路涅槃

門諸禪德且作麼生是涅槃門莫是山
僧這裏聚會少時便爲涅槃門麼莫錯
會好諸禪德總不恁麼會莫別有商量

賞五

三

底麼山僧這裏早是事不獲已向諸人
恁麼道已是相鉢置了也更擬踏步向
前有何所益諸禪德但自無事自然安
樂任運天真隨緣自在莫用巡它門戶
求覓解會記憶在心被他繫縛不得自

第

在便被生死之所拘何時得出頭可惜
光陰倏忽便是來生速須努力時有僧

問生死到來如何免得師曰柴鳴竹爆
驚人耳曰學人不會請師直指師曰家
犬聲獐夜不休○僧問如何是向上關

捩子師曰拔劍攬龍門

阿訥護國和尚上堂實際理地不受一塵佛事

門中不捨一法又曰一法若有毗盧墮
在凡夫萬法若無普賢失其境界諸上
座作麼生理論朝夕恁麼上来向諸上

座說個甚麼即得若說三乘十二分教自有座主律師若說世諦因緣又非僧家之所議若論佛法從上祖宗多少佛法可與評量總不如是須知各各當人分上事作麼生是諸上座分上事知有

嘗五

十

麼對衆吐露個消息以表平生行脚然善知識具爍迦羅目不被人瞞豈不快哉還有麼良久云若無人出頭賣買不

當價徒勞更商量珍重

開悟西禪欽禪師僧問如何是函蓋乾坤句開悟師

曰天上有星皆拱北曰如何是截斷衆流句師曰大地坦然平曰如何是隨波逐浪句師曰春生夏長

開悟覺華照禪師僧問如何是真如涅槃師曰秋風聲颯颯澗水響潺潺

開悟延長山和尚僧問從上古聖向甚麼處去

師曰不在山間即居樹下曰未審成得個甚麼師曰汝還知落處麼僧無語師便打

開悟黃龍贊禪師僧問如何是和尚關捩子開悟師

曰少人踏得著曰忽踏得著時如何師

曰汝試進前看僧便喝師便打

開鑑雲門朗上座自幼肄業講肆聞僧問雲門

如何是透法身句門曰北斗裏藏身師

罔測微旨遂造雲門門纔見便把住曰

道道師擬議門拓開乃示頌曰雲門聳

峻白雲低水急遊魚不敢棲入戶已知

來見解何勞再舉轍中泥師因斯大悟

○僧問如何是解脫師曰穿靴水上行

開鑑慕子山庵主僧問如何是透法身句師曰

朝看東南暮看西北

開鑑大歷

和尚初參白雲雲舉拳曰我近來不

恁麼也師領旨禮拜自此入室僧問如

何是西來意師曰破草鞋○問如何是

無爲師乃擲手○問施主供養將何報

開鑑貞

二十一

荅師以手撫鬚曰有髭即撫無鬚又如
何師曰非公境界

開鑑寶華

和尚見一僧從法堂階下過師乃敲

繩牀僧曰若是這個不請拈出師喜下

地詰之僧無語師便打

華山月禪師初謁白雲雲問業個甚麼
曰孔雀經雲曰好個人家男女隨鳥雀
後走師聞語驚異遂依附久之乃契旨
尋住月華○有一老宿上法堂東西顧
視曰好個法堂要且無主師聞乃召曰

且坐喫茶宿問曰玄中景的猶是龜毛
兔角不向二諦中修如何密用師曰側
宿曰恁麼則拗折拄杖割斷草鞋去也
師曰細而詳之

普樂淨匡禪師僧問但得本莫愁末如何是

本師曰不要問人曰如何是末師乃豎
指○因普請打籬次僧問古人種種開
方便門和尚爲甚麼却攔截師曰牢下

概著

普後白雲和尚僧問古琴絕韻請師彈師曰

賓五

二十三

伯牙雖妙手時人聽者希曰恁麼則再
遇于期也師曰笑發驚絃斷寧知調不

同

文殊真禪師僧問萬法歸一一歸何處
師曰黃河九曲○問古人拊掌意旨

卷五

如何師曰家無小使不成君子

龍南臺勤禪師僧問如何是祖師西來意

師曰一寸龜毛重七斤

巖德山晏禪師僧問如何是祖師西來意師曰桃源水遠白雲亭○上堂一塵纏起

大地全收一毛頭上師子全身且道一塵纏起大地全收須彌山重多少一毛頭上師子全身大海水有幾滴有人道得與汝柱杖子天下橫行若道不得須彌山蓋却汝頭大海水溺却汝身

巖乾明普禪師僧問萬行齊脩古人不許不落功勳還許也無師曰一曰學人未曉

乞師再指師曰三十年後

巖中梁崇禪師僧問垂絲千尺意在深潭時

如何師曰紅鱗掌上躍

巖黃龍愿禪師僧問迦葉上行衣何人合得

披師曰一片燒痕地春入又逢青

巖普安道禪師三句頌函蓋乾坤曰乾坤并萬象地獄及天堂物物皆真見頭頭用不傷截斷衆流曰堆山積嶽來一一盡

後一輪明月到牀前

卷五 祖師戒禪師僧問如何是隨色摩尼珠

浪曰辯口利舌問高低總不虧還如應
病藥診候在臨時三句外曰當人如舉
唱三句豈能該有問如何事南嶽與天
台棟薦商量曰相見不揚眉君東我亦

貧五

十四

西紅霞穿碧落白日繞須彌

登泐潭靈澄散聖師有西來意頌曰因僧問

我西來意我話居山七八年草履祇裁
三個耳麻衣曾補兩番眉東庵每見西
庵雪下澗長流上澗泉半夜白雲消散

卷五 祖師戒禪師僧問如何是隨色摩尼珠
師曰隨曰隨後如何師曰一個婆婆兩
個癩○智門問曰暑往寒來即不問林
下相逢事若何師曰五鳳樓前聽玉漏

門曰爭柰主山高案山低師曰須彌頂

上擊金鐘○僧問如何是佛師曰踏著

秤鉛硬似鐵贈狀

卷五 福昌善禪師僧問如何是正法眼師曰夜
觀乾象曰學人不會意旨如何師曰日

裏着山○上堂盡乾坤大地微塵諸佛
總在福昌這裏拈拄杖畫一畫曰說佛
說法諸禪德若也會得出來與汝證據
若也不會花須連夜發莫待曉風吹便
下座

當五

壬五

建福同禪師僧問如何是透法身句師曰
鸚鵡慕西秦僧禮拜師曰聽取一頌雲
門透法身法身何許人鴈回沙塞北鸚
鵡慕西秦

智門光祚禪師先住北塔
出道者隨州人也○僧問如何是

佛師曰踏破草鞋赤腳走曰如何是佛
向上事師曰拄杖頭上挑日月問問
如何是般若體師曰蚌舍明月曰如何
是般若用師曰兔子懷胎問問蓮華
未出水時如何師曰蓮華曰出水後如

荷葉○上堂一法若有毗盧墮
在凡夫萬法若無普賢失其境界正當
恁麼時文殊向甚麼處出頭若也出頭
不得金毛師子腰折幸好一盤飯莫待
糲椒薑○上堂汝等諸人橫擔拄杖出

學

釋
卷

一叢林入一叢林你道叢林有幾種或
有栴檀叢林栴檀圍繞或有荆棘叢林
荆棘圍繞或有荆棘叢林栴檀圍繞或
有栴檀叢林荆棘圍繞祇如四種叢林
是汝諸人在阿那箇叢林裏安身立命

是燒舍人燭起情塵生妄見眼裏無筋
一世貧

福嚴良雅

禪師居洞山第一座山叢次僧

出問如何是佛山答曰麻三斤叢罷山
至察謂師曰我今日答這僧話得麼曰

賞五

主六

若無安身立命處踏破草鞋關羅王
徵你草鞋錢有日在○上堂雪_一轍
羅漢書字歸宗斬蛇大隨燒舍且道明
甚麼這事還有人明得麼試道看若明
不得所以道斬蛇須是斬蛇手燒舍須

恰值某淨髮山曰你元來作這去就拂
袖便出師曰這老漢將謂我明他這話
頭不得因作偈呈曰五彩畫牛頭黃金
爲點額春晴二月初農人皆取則寒日
賀新正鐵錢三五百山見深肯之

開福賢禪師問僧問如何是衲僧活計師曰耳裏種田此則聯珠有頌見香林遠章內○上堂不用思而知不用慮而解知解俱泯合談

何事師曰一葉落天下秋

開福丫山盛禪師上堂鐘聲清敲磬響早晚相

聞休妄想薦得徒勞別問津莫道山僧無伎倆咄

蓮華峰祥庵主僧問如何是雪裡泥牛吼師曰聽曰如何是雲中木馬嘶師曰響示寂日拈拄杖示衆曰古人到這

裏爲甚麼不肯住衆無對師乃曰爲它途路不得力復曰畢竟如何以杖橫肩曰柳栗橫擔不顧人直入千峰萬峰去言畢而逝

德山遠禪師上堂枕石漱流任運天真不

賞五

二十七

見古者道撥雪掃雪和雲母掘石移松得茯苓當恁麼時復何言哉諸禪德要會麼聽取一頌雪齊長空迴野飛鴻段雲片片向西向東

開先照禪師僧問向上宗乘乞師垂示

曰白雲斷處見明月曰猶是學人趣處

師曰黃葉落時間擣衣○上堂叢林規矩古佛家風一參一請一粥一飯且道明得箇甚麼祇如諸人心心不停念念不住若能不停處停念處無念自合無

生之理與麼說話笑破他人口參

金陵天寶和尚僧問如何是和尚家風師曰列半作三曰學人未曉師曰鼻孔針筒又雲門示衆曰拆半烈三針
筒鼻孔云云戴于聯珠頌古

法雲善禪師僧問如何是古佛道場師曰

山青水綠

靈藍田真禪師上堂成山假就於始實脩途託至於初步上座適來從地爐邊來還與初步同別若言同即不會不遷若言別亦不會不遷上座作麼生會還會麼

這裡不是那裏那裏不是這裏且道是一處兩處是遷不遷是來去不是來去若於此顯明得便乃古今一如初終自爾念念無常心心永滅所以道觀方知彼去去者不至方上座適來恁麼來却請

恁麼去參

阿彌陀佛
聖峰欽山主上堂昨日一今日二不用思
量快須管地不管地蹉過平生沒巴鼻

咄

西峰豁禪師謁清涼問佛未出世時如何

第五

丈六

涼曰雲遮海門樹曰出世後如何涼曰
壁破鐵圍山師於言下大悟涼印可之
歸住寶龍嘗有問易中要旨者師曰夫
神生於無形而成於有形從有以至於
無然後能合乎妙圓正覺之道故自四

十九衍以至於萬有一千五百二十以
窮天下之理以盡天下之性不異吾聖
人之教也

洞山曉聰禪師在雲居作燈頭見僧說泗

州大聖近在揚州出現△有設問曰既

是泗州大聖為甚麼却向揚州出現師
曰君子愛財取之以道後僧舉似蓮華
峰祥庵主大驚曰雲門兒孫猶在中
夜望雲居拜之△問達磨未傳心地印
釋迦未解鬚中珠此時若問西來意還

有西來意也無師曰六月雨淋漓寃其
萬姓心曰恁麼則雲散家家月春來慶
著
慶花師曰脚跟下到金剗水際是多少
僧無語師曰祖師西來特唱此事自是
上座不薦所以從門入者不是家珍認

當

充

夥迷頭豈非大錯既是祖師西來特唱
此事又何必更對衆忉忉珍重○上堂
晨雞報曉靈粥後便天明燈籠猶瞌睡
露柱却惺惺復曰惺惺直言惺惺歷歷
直言歷歷明朝後日莫認奴作郎珍重

○上堂舉寒山云井底生紅塵高峰起
白浪石女生石兒龜毛寸寸長若要學
菩提但看此模樣良久曰還知落處也
無若也不知落處看看菩提入僧堂裏
去也久立○上堂春寒凝泣夜來好雪

提學

還見麼大地雪漫漫春風依舊寒說禪
說道易成佛成祖難珍重○因事示衆
天晴蓋却屋乘乾刈却禾早輸王稅了
破腹唱巴歌○僧問德山入門便棒猶
是起模畫樣臨濟入門便喝未免捏目

生花離此二途未審洞山如何爲人師曰

天晴久無雨近日有雲騰曰他日若有

人問洞山宗旨教學人如何舉似師曰

園蔬枯槁甚揩水潑波稜

石霜誠禪師僧問古者道捲簾當白晝移

歸南
歸勤

榻對青山如何是捲簾當白晝師曰過

淨瓶來曰如何是移榻對青山師曰却

安舊處著(口)上堂心外無法法外無心

隨緣蕩蕩更莫沉吟你等諸人纔上階

道便好回去更(要)待第二惡水潑作甚麼

五 沁潭澄禪師僧問見者是色聞者是聲離

此二途請師別道師曰古寺新碑額

師一日見僧披衲師曰得恁麼好針線

曰祇要牢固師曰打草驚蛇作甚麼

曰客來須看師曰祇有這個更別有曰

肯五

雲生嶺上師曰未在更道曰水滴巖前

翻 雲蓋顯禪師僧問如何是祖師西來意師

曰古寺碑難讀曰意者如何師曰讀者

盡攢眉

翻喜 上方嶽禪師上堂旋收黃葉燒青烟竹榻

和衣半夜眠粥後放參三下鼓孰能更
詰祖師禪便下座

禪福王坦禪師僧問有牛有師曰金河峰上
曰如何是無中無師曰般若臺前○上
堂千花競發百鳥啼春是向上句諸佛

出世知識興慈是向下句作麼生是不
涉二途句若識得頂門上出氣若識不
得土牛耕石田擎禪牀下座

禪福金山新禪師僧問吾有大患為吾有身父
母未生未審此身在甚麼處師曰曠大

劫來無處所若論生滅盡成非曰恁麼
則周徧十方心不在一切處師曰泥裏
撼樁○上堂世間所責者和氏之璧隋
侯之珠金山喚作驢屎馬糞出世間所
貴者真如解脫菩提涅槃金山喚作屎

贊五

三

佛碗鳴且道恁麼說話落在甚麼處故
不是取捨心重信邪顛見諸人要知麼
猛虎不顧几上肉洪爐豈鑄橐中錐○
禪雪寶重顯明覺禪師橫經講席究理窮玄
詰問鋒馳機辯無敵咸知法器愈指南

遊首造智門即伸問曰不起一念云何
有過門召師近前師繞近前門以拂子
幕口打師挺開口門又打師豁然開悟
出住翠峰後遷雪竇開堂日僧問吹大
法螺擊大法鼓朝宰歸筵如何即是師

曰清風來未休曰恁麼則得遇於師也
師曰一言已出駟馬難追僧禮拜師曰
放過一著乃普觀大眾曰人天普集合
發明個甚麼事焉可互分賓主馳騁問
答便當宗乘去廣大門風威德自在輝

騰今古把定乾坤千聖祇言自知五乘
莫能建立所以聲前悟旨猶迷顧鑑之
端言下知宗尚昧識情之表諸人要知
真實相為麼但以上無攀仰下絕已躬
自然常光現前個個壁立千仞還辨明

得也無未辨辨取未明明取即辨明得
能截生死流同據佛祖位妙圓超悟正
在此時堪報不報之恩以助無為之化
○上堂僧問如何是維摩一默師曰寒
山訪拾得曰恁麼則入不二之門師噓

一嗟復曰維摩大士去何從千古令人
望莫窮不二法門休更問夜來明月上
孤峯○上堂春山疊亂青春永漾虛碧
寥寥天地間獨立望何極便下座碩謂
侍者曰適來有人看方丈麼者曰有師

賞五

主一

曰作賊人心虛○上堂大衆這一片田
地分付來多時也爾諸人四至界畔猶
未識在若要中心樹子我也不惜僧
問如何是諸佛本源師曰千峰寒色曰
未委向上更有也無師曰雨滴巖花○

上堂十方無壁落四面亦無門古人向
甚麼處見客或若道得接手句許你天
上天下○示衆曰龍泉與刀斧同質利
鈍懸殊駕駒與驥馬同途遲速有異○
○僧問山花開似錦澗水湛如藍學人

分上為甚麼不會師曰枯木裏瞪眼曰
恁麼則從苗辨地因語識人也師曰三
十棒且待別時增收○僧問如何是佛
師曰四山圍繞謂收

詞解

雲蓋鵬禪師○初詣雙泉雅禪師泉令充

侍者示以芭蕉拄杖話經久無省發一日泉向火次師侍立泉忽問柱杖子話試舉來與子商量師擬舉泉拈火筋便撼師豁然大悟○上堂高不在絕頂富不在福嚴樂不在天堂苦不在地獄良

賞五

父曰相識滿天下知心能幾人

彰法泗禪師僧問如何是佛法大意師曰多少人摸索不著曰忽然摸著又作麼生師曰堪作甚麼

北禪賢禪師○僧問如何是佛師曰毘挑

不上○歲夜小叅曰年窮歲盡無可與諸人分歲老僧烹一頭露地白牛炊黍米飯煮野菜羨燒槽榦火大家喫了唱村田樂何故免見倚他門戶傍它牆剗被時人喚作郎便下座歸方丈至夜深維那入方丈問訊曰縣裏有公人到勾和尚師曰作甚麼那曰道和尚宰牛不納皮角師遂將下頭帽擲在地上那便拾去師跳下禪牀攔肩擒住叫曰賊賊那將帽子覆師頂曰天寒且還和尚師

呵呵大笑那便出去時法昌為侍者師
頑昌曰這公案作麼生昌曰潭州紙貴
一狀領過

贊日芳上座僧問如何是函蓋乾坤句師豎
起拄杖僧曰如何是截斷衆流句師橫

按拄杖僧曰如何是隨波逐浪句師擲
下拄杖僧曰三句外請師道師便起去
○師贊開福真曰清儀瘦弓可瞻可仰
仰之非親妙筆圖弓可擬可像像之非
真非親非真秋月盈輪有言無味弓的

中的既往如在弓覓焉覓當機隱顯弓
絲髮諸訛金烏卓午弓迅風霖應
禪開先暹禪師操行清苦徧游師席以開悟
為志參德山見山上堂頑視大眾曰師
子頻呻象王回頑師忽有省入室陳所
賞五

解山曰子作麼生會師回頑曰後園驢
喫草山然之後至雪竇竇與語喜其超
邁目曰海上橫行暹道者遂命分座四
方英衲敬畏之他日竇舉師出世金載
師聞潛書二偈于壁而去曰不是無心

繼祖燈道慚未廁嶺南能三更月下離
巖賓眷眷無言戀碧層二十餘年四海
間尋師擇友未嘗間今朝得到無心地
却被無心趕出山晚年衆請滋甚遂開
法開先以慰道俗之望

魏

秀州資聖勤禪師上堂多生覺悟非干衲
一點分明不在燈拈拄杖曰拄杖頭上
祖師燈籠脚下彌勒須彌山腰鼓細即
不問你作麼生是分明一點你若做得
無邊刹境總在你眉毛上你若道不得

作麼生過得羅刹橋良久曰水流千派
月山鎖一谿雲卓拄杖下座

洞庭

潭州麻苑圭禪師上堂凡有因緣須曉其
宗若曉其宗無是無不是用則波濤海
沸全真體以運行體則鏡淨水沉舉隨

賞五

三十五

緣而會寐且道兜率天宮幾人行幾人
坐若向這裏辨得綢素許你諸人東西
南北如雲似鶴於此不明暗破草鞋未
有了日在叅

山根

雲居晚舜禪師號舜少年鯨猛忽悟浮幻

授師出家乃修細行。參洞山一日如武昌行乞首謁劉公居士家。士高行為時所敬意。所與奪莫不從之。師時年少不知其飽。忝頗易之。士曰老漢有一問。若相契即開疏。如不契即請還山。遂問。

古鏡未磨時如何。師曰黑似漆。曰磨後如何。師曰照天照地。士長揖曰且請上人還山。拂袖入宅。師慙懼即還洞山。山問其故。師具言其事。山曰你問我。我與你道。師理前問。山曰此去漢陽不遠。師

進後語。山曰黃鶴樓前鸚鵡洲。師於言下大悟。機鋒不可觸。○上堂舉夾山道。閑市門頭識取天子百草頭上薦。取老僧雲居。即不然。婦搖櫈。軋軋兒弄口。過○上堂諸方有弄蛇頭。撥扇尾跳大

海。劙刀裹藏身。雲居這裡寒天熱水洗腳。夜間脫襪打睡。早朝旋打行經風吹籬倒喫人夫劈箋縛起。